

Von kalten Kranckheiten.

ren oder gesalbet. So viel von kalter Phlegma. Was die hitzige betrifft/ gehört zu pestilenzischen vnd andren Fiebern/ sampt mehr andren Kranckheiten/ so auß Hitz entstehen/ da mans besehen mag.

Von kalten Kranckheiten.

Cap. 21.

In wir in dieser kalten Phlegma zusammen haben getragen was hin vnd wider in diesem Buch/ auch sonst raugentlich ist/ also sol auch hie in mehrerley kalten Kranckheiten/ sie kommen auß Alter/ Glässen/ Magen/ Mutter/ Brust/ vñ wie das sey geschehen/ Erstlich wollen wir anzeigen/ was in Leib zu brauchen/ vnd zu essen sey.

Darzu taugt Augentrostzucker/ der trucknet das Hirn. Desgleichen volgende/ Jspenzucker/ Betonien/ Grassnegelen/ Lavendel/ Spicanardi/ Rosmarin/ Maseron vnd Sals

uienzucker/ Also auch eyngemacht Imber/ Calmef/ Alantwurz/ Bibinel. Auß den Latwergeren/ sind nützlich die vom Merrettich/ am 362. blat D. beschrieben/ Quittenlatwergeren mit Gewürz/ Ackermann/ so im letzten Theil zu finden seind/ beyderley Theriac vnd Mithridat/ Entis Confect. Rosmarinwein ist hierin ein kräftig gesunde Tranc. Also der Alantwein/ Jspen vnd Lavendelwein. In feuchtem Haupt/ Haselwurzwein. Alle gewürzte Wein/ Morolff/ Hypocras/ Claret/ werden gelobt. Wo eins den Wein nicht hette oder tranc/ taugt gemeiner Meth.

Außwendig hat das Spicaöl grossen ruff/ daß es den kalten blästigen Gebrechen des Hirns/ Magens/ Leber/ Milz vnd Inngeweid/ behülfflich sey. Also auch volgende öl/ von weissen vnd blawen Gilgen/ Bibergeilen/ Loröl/ gelben Veselen/ Wermut/ Sonderlich Siegel vnd Terpentindl.

In Summa/ alles was hievornen in kalter Phlegma/ vnd anderswo in kalten Kranckheiten geschriben ist. Vnd hiemit wollen wir diesen vnsern fünfften Theil beschliessen.

Ende des fünfften Theils.

Der sechste Theil diß Buchs/ Ist von solchen Kranckheiten/ die den gangen Leib belangen.

Ir haben in bißher beschriebnen fünff Theilen vnser Arzneybuchs mancherley Kranckheiten angezeigt/ welchesonderliche Glieder des Menschlichen Leibs/ auch etwa zuzeiten durch auß/ angreiffen vnd beschweren/ Dann die Natur hat alle Glieder dermassen in ein verwandschafft zusammen verfaßt/ daß/ wo eins mit Schmerzen oder einer Sucht beladen ist/ alle andre mit leiden/ dergestalt/ daß nicht anderst seyn kan/ wo das Haupt/ Herz/ Magen/ Leber/ etc. leiden/ daß dessen nicht andre theilhaftig werden/ mehr vnd minder/ nach dem die sachen geschaffen seind. Weil aber die Fieber sich für andre Suchten mit irer vnnatürlichen Hitz vnd Kette in den Leiben vnd der selbigen Glieder außbreiten/ vnd (also zu reden) kein winsckelin vnd durchschlossen lassen/ Ja auch (wie alle erfahrene Arzneybekenner/ als ein vnwiderräffliche Schlußrede vnd Axioma setzen) kein Kranckheit noch Schmerz/ sie seyen so gering sie immer wollen/ on etwas erregen vnd verendren der Natur/ das ist/ on Fieber sey/ so seind dieselbige in diesem sechsten Theil verordnet. Den selbigen wollen wir auch ein andere weitläuffige Kranckheit/ Nemlich die Pestilenz (die auch ein art der Fieber ist) sampt wenig andren/ so bißher vnderlassen/ oder nicht gnugsam darvon geschriben/ anheffen.

Von